

欽定石渠寶笈三編

欽定石渠寶笈三編

避暑山莊藏 六

列朝名人書畫

宋米芾畫雲山煙樹 一卷

宋夏珪畫月令圖 四冊

宋人關山行旅圖 一軸

元王淵畫秋塘立鷺 一卷

元倪瓚岩居圖 一軸

元倪瓚萬壑秋亭圖

一軸

元倪瓚畫溪亭山色

一軸

元王蒙畫長松飛瀑

一軸

明徐賁眠雲軒圖

一卷

明王紱畫秋江泛艇

一軸

明沈周桐陰玩鶴圖

一軸

明沈周畫崇山修竹

一軸

明唐寅畫震澤烟樹

一軸

明仇英西園雅集團

一軸

明文徵明畫古木寒泉

一軸

明文伯仁畫萬壑松風

一軸

明王維烈芙蓉秋鴨圖

一軸

明人撫徐贲師子林圖

一卷

本朝臣工書畫

惲壽平畫山水

一軸

陳書長松圖

一軸

錢陳羣書

高宗純皇帝幸避暑山莊詩附恭和詩 一冊

宋米芾畫雲山烟樹 一卷

〔本幅〕紙本。縱九寸。橫四尺。水墨畫雲山重疊。烟樹迷離。樓臺村落。明滅林表。款。芾。鈐印一。

缺損。

高宗純皇帝御題行書。

烟樹雲山杳莫分。羶薌說項有前聞。如從鶻突論真假。吾亦斯之未信云。己亥新秋御題。詩成題於畫間。乃知紙非宋牋。的是贗鼎。元汴蓋失精鑒。

矣。山莊再識。

四卷同藏合不分。貯香光物述前

聞。審觀墨戲入神處。樵李似失精鑒云。辛丑閏夏
疊舊作韻。御題。失於精鑒。嗤項久。是即天游謂

米真。設以陰晴論牕景。豈非求劍刻舟人。辛亥六
月。御題。既辨其贗。因久弄天籟書屋。聊存之。

〔後隔水〕

蕭寺出濃陰。晴雲藏亂峽。峰巒變滅時。便是
米家法。項聖謨。鈐印二。癡子業。易菴居士。

後幅

雨洗烟嵐夕氣涼。冷風激激樹蒼蒼。採芝巖
下看雲處。零落秋花滿石牀。謝文昌題雲山
烟樹。鈐印一。謝文昌印。

引首

雲山烟樹楊士奇。鈐印一。廬陵楊士奇。

卷內分鈐

寶璽會心不遠。德充符。比德。朗潤。

古稀天子。猶日孜孜。八徵耄念。謹自彊不息。

五福五代堂古稀天子寶。得大自在。寓意于物。八徵耄念之寶。避暑山莊。乾隆御覽之寶。乾隆鑑賞。用筆在心。萬有同春。

太上皇帝之寶。

鑑藏寶璽

全五璽寶笈三編。

收傳印記。文淵閣印。內府御寶。許衡之印。張伯雨印。遼陽李氏家藏書畫印。踵循吉。南□

高士東海豪家。和豫堂。玉堂。

半堂字缺。

廬陵□□

奇。進士世家。延陵將軍。南濠居士。□世□印。

常疑即見面。翻致久無書。墨興寄教項元汴。

印。項墨林鑑賞章。子京父印。天籟閣神品。墨

林主人。墨林項氏藏書之印。墨池清興。退密。

虛朗齋。又半印不可識。

[illegible]

宋夏珪畫月令圖

四冊

本幅四冊。每冊十八對幅。右畫左書。畫幅絹本。皆縱六寸三分。橫五寸四分。淺設色畫。無款印。書幅綠牋本。縱橫同前。周密隸書。

第一冊。一畫東風解凍。書東風解凍。立春一候。東風解凍。曰風有八。東北曰不周風。艮氣所生。又云融風。東南曰景風。巽氣所生。又云清明風。南方曰巨風。離氣所生。又云凱風。西

南曰涼風。坤氣所生。西方曰颼風。兌氣所生。西北曰麗風。乾氣所生。又云閭闔風。北方曰寒風。坎氣所生。又云廣莫風。東方曰條風。震氣所生。又云明庶風。雖分向位。各有所生。是月惟取東風和應。條條風也。氣和則凍解。凍解不凝結也。二書蟄蟲始振。書蟄蟲始振。立春二候。蟄蟲始振。蟄蟲得陽氣初始振動。猶未出也。至二月。廼雷振驚而出。此對二月。故

云始振。始者初也。振者動也。三書魚陟負冰。
書魚陟負冰。立春三候。魚陟負冰。魚當盛寒
之時。伏於冰下。蓋正月陽氣逐其溫暖。故魚
上游水而近於冰也。又云魚陟負冰。陟升也。
鴻烈曰。是月之時。鯉魚應陽而動。上負冰也。
古云不言上而言負。負如背荷也。陟負酌古
準今同矣。本經月令云。魚上冰。與氣疑當作魚上
負冰。及今魚陟負冰。三說其義不殊。今從陟

負矣。四畫獺祭魚。書獺祭魚。雨水一候。獺祭魚。獺者獺也。是月之時。鯉魚上冰。故候使獺獲此魚於冰邊。四面陳之以祭天。故曰獺祭魚也。五畫候雁北。書候雁北。雨水二候。候雁北。是月時候之應。雁從彭蠡來北。過周雒。至漠中。返其居。孕卵。殼也。比雁北。鄉稍去晚耳。今之候雁地也。六畫草木萌動。書草木萌動。雨水三候。草木萌動者。乃天地和同。所以萌。

動甲坼芽也。七書桃始華。書桃始華。驚蟄一
候。桃始華。大戴禮云。桴桃則華。桴即山桃也。
詢園丁云。桴桃是也。非正桃華也。自冬冰雪
至此。陽氣蒸變。桃始發華也。八書倉庚鳴。書
倉庚鳴。驚蟄二候。倉庚鳴。爾雅翼云。一物四
名。曰皇。此字當黃鳥。曰倉庚。曰商。當作商庚。曰鷺
黃。楚雀之名。今候鳥只云倉庚。應蠶之候。故
以鳴焉。鳴者叫也。北人與今呼名同。即黃鶯。

也。九書鷹化為鳩。書鷹化為鳩。驚蟄三候。鷹化為鳩。卯辰者陽之中。故仲春則鷹化為鳩。故陰為陽所化。仲秋鳩化為鷹。故陽為陰所化。乃互復其形。不言變而言化也。雖云鳩化為鷹。候之不言也。十書元鳥至。書元鳥至。春分一候。元鳥至。古名乙鳥。以象甲乙之形。首高尻下。故以名焉。燕有兩種。曰紫燕。巢葦門楣之上。曰胡燕。比紫燕而小。白質黑文。稍異。

懸巢大屋兩椽之間。齊人取其色之元。稱為
元鳥。今從此名。此鳥知時。來去皆避於春秋
二社。故曰元鳥至。十一晝。雷乃發聲。書雷乃
發聲。春分二候。雷乃發聲。鶴山要義云。雷是
陽氣之聲。將上與陰相衝。蔡邕云。季冬雷在
地下。則雉應而雊。孟春動於地之上。則蟄蟲
應而振出。至此升而動於天地衍字之下。其聲發
揚也。十二晝。始電。書始電。春分三候。始電者。

電是陽光。陽微則光不見。此月陽氣漸盛。以擊於陰。其光乃見。故云始電也。十三晝。桐始華。書。桐始華。清明一候。桐始華。爾雅翼云。桃。桐之作華。乃在衆木之先。清明之日。桐不華。則歲有大寒。不華者。則陽氣微。陽氣微。則寒可知已。釋雅云。桐始華。即白桐木之稱華者。言穉之小也。故曰始華。十四晝。田鼠化為鴽。書。田鼠化為鴽。清明二候。田鼠。鼯鼠也。形。

如鼠大而無尾。黑色長鼻。甚強。常穿田隴間。多有之。郭氏云。地中行。化為鴛者。即此是也。鴛。鴛也。易曰。乾道變化者。若鼠化為鴛。鴛復化為鼠。反歸舊形。謂之化。不言變而言化。註疏云。鴛復鼠。候之不言也。十五晝。虹始見。書。虹始見。清明三候。虹始見。詩云。蜩蟪在東。莫之敢指。蟬。蟬。虹也。郭氏云。雄者虹。雌者蜺。雄謂明盛者。雌謂暗微者。虹是陰陽交合之氣。

雲薄漏日。日照雨滴。則虹生也。十六畫萍始
生。書萍始生。穀雨一候。萍始生。大者曰蘋。根
生於水底。小者曰萍。又謂之藻。浮於水面。應
候之萍是也。穀雨之日。渚水則萍始生。一夕
而生七子。無根。有小鬚垂水中。為陽所浮者
也。十七畫鳴鳩拂其羽。書鳴鳩拂其羽。穀雨
二候。鳴鳩其名不一。曰斑鳩。錦鳩。曰布穀。詩
云。當有鳴鳩一名鵲鳩。牝牡飛鳴。翼相摩拂。

故云鳴鳩拂其羽。趨農急。詩云。鳩鳩在桑。其
子七兮。宛彼鳴鳩。翰飛戾天。許氏云。奮迅其
羽。直刺上飛入雲中者。鳴鳩是也。十八畫戴
勝降於桑。書戴勝降於桑。穀雨三候。戴勝織
鷲之鳥。是時在於桑。蠶將生之候也。恐婦人
有慢蠶事於簾筐。故因是鳥之來以警之。其
鳥有文彩。如戴花勝。故呼戴勝。即戴鷲也。
第二冊。一畫螻蛄鳴。書螻蛄鳴。立夏一候。螻

蝮非一物也。蓋有二。螻蟲名。蝮蛙名。二物顯
然矣。蔡氏云。螻螻蛄也。蝮蝦蟇也。即今所食
蛙也。是月陰氣始動於下。故應候而鳴也。二
書。蚯蚓出。書。蚯蚓出。立夏二候。蚯蚓出。則陰
而屈。乘陽而伸。爾雅翼云。無爪牙之利。無筋
骨之強。上食槁壤。下飲黃泉。雖是微物。亦知
啓戶有時。故月令孟夏後五日。而蚯蚓出。應
此候。三書。王瓜生。書。王瓜生。立夏三候。王瓜。

草挈也。南方之果。其色赤。本草云。葉似桔槔。圓無叉缺。有刺毛。五月開花。花下結子如彈丸。生青而熟赤。行義云。又謂之赤雹子。故應四月之候。王瓜生。即此是也。四書苦菜秀。書苦菜秀。小滿一候。苦菜。即苦茶也。爾雅翼云。茶。茶。近即茶也。早採者為茶。晚採者為茗。其色赤。以應南方之菜。故其為味苦。感火之色而生。化火之味而秀。故曰苦菜秀也。五書靡

草死。書靡草死。小滿二候。靡草者。本草云葶
藶是也。是月陽極。感陰生者。則柔而靡。故謂
之靡草。故陽不勝陰而死。六書。麥秋至。書麥
秋至。小滿三候。麥秋至。凡物生於春。長於夏。
成於秋。而麥獨成於夏。故於是月言麥秋至。
蓋此時為夏。於麥已成。故言秋至也。七書。螳
螂生。書螳螂生。芒種一候。螳螂一物有數名。
姑存其二。曰拒斧。曰天馬。驤首奮臂。頸長而

身輕。其行如飛。有馬之象。怒臂當車。其為蟲也。知進而不知退。知存而不知亡。可見其不知量也。正義云。螳螂深秋乳子。至夏之時乃生是也。亦生百子如螽斯同。故迺螳螂生也。八書。鵙始鳴。書。鵙始鳴。芒種二候。鵙搏勞。亦名百勞也。五月。鳴應。陰氣而動。陽氣為仁義。陰氣為賊害。陰氣至而鵙鳴。其聲鵙鵙。故以其音名也。九書。反舌無聲。書。反舌無聲。芒種。

三候。反舌者。百舌鳥也。春乃鳴。能辯變其舌。
反易其聲。以效百鳥之鳴。五月陽炁極於上。
微陰起於下。感初陰之氣。故反舌無聲也。十
畫鹿角解。書。鹿角解。夏至一候。鹿角解。似麋
而小。曰鹿。情好羣。而比。則陽類也。非獨解角。
尚且易毛。冬則角長而毛深。故夏至感陰生
而解角。解者。隕墮也。

高宗純皇帝御題

鹿麋夏冬殊角解。本非麋已得明徵。月今云仲夏鹿角解仲冬

麋角解。今考之山莊吉林之麋及木蘭之鹿皆解角於仲夏並無解于冬者。惟南苑之麋俗謂之長

尾鹿則於冬至解角始知從來記載之誤。曾為說以訂正之。落單須識無雙理。

墮剗那堪沒頂能。生剗頂骨也。鹿剗在其頂皮肉上。生雙歧。歧上乃出角。其角解也。

或前或後即同解。其兩角亦分落成隻。今珪所畫乃兩角并在剗。不知射殺之鹿取其頂骨乃獲雙

角在剗其自解者斷無并剗骨雙落之理。此屢經親試而知者。夏珪固未嘗見鹿。又安知其生死也。

覺氣知其真有應射生笑彼又何曾魯魚似此紛

久矣。訂偽依然恐不勝。己亥季夏中澣御題。上方另幅。

十一畫。蜩始鳴。書。蜩始鳴。夏至二候。蜩。蟬也。
有二種。稍分大小。寒蟬。候亦見之。是月形大。
而黑者。即名馬蟬也。一物有數名者。隨地而。
呼之。詩云。苑彼柳斯。鳴蜩嘒嘒。蜩多託蔭其。
上。舍卑穢而趨高潔。其禪足道也。十二。華。
夏生。書。半夏生。夏至三候。半夏。藥草名也。言。
生者。是藥感微陰。居夏之半。應時而生。故曰。
半夏生也。十三。溫風至。書。溫風至。小暑一。

候。溫風。天地之仁氣薰然而和。其氣始於東
北。盛於東南。故溫風始至也。四時有八風。生
於八方。以應八節。孟春言東風。孟秋涼風。仲
秋言盲風。應季夏之候。所言溫風。即景風也。
孟春詳見八風之名異。又分四時之風。意義
不遠。其理一也。十四畫。蟋蟀居壁。書。蟋蟀居
壁。小暑二候。爾雅翼云。蟋蟀。蛩也。是時羽翼
稍成。感涼氣而居壁。非院落之壁。是處土與

之穴也。詩云：七月在野，火老金柔，商令初隆。此義頗貫。又謂之候蟲應時而鳴，性好勇而鬪，很須致勝負而止，非蟲好鬪，是肅殺之氣使之然也。十五晝，鷹始鷙。書：鷹始鷙。小暑三候，鷹始鷙。習學初攫也。二陰既起，物得氣之先，殺氣未肅，而鷙猛之鳥已習於擊而迎殺氣，故以學習攫搏以爪取物，故曰始鷙也。十六晝，腐草為螢。書：腐草為螢。大暑一候，螢一

物數名曰丹良曰夜光曰宵燭曰螢火正義

云螢能夜飛君子小人可謂之即蛸

按正義引李巡

云螢火夜飛腹下如火擊壤云龍不冬躍螢

能夜飛君子小人而名有時是月腐草感暑

濕之氣而為螢蔡氏云螢不復為腐草故不

稱化而言變也十七書土潤溽暑書土潤溽

暑大暑二候潤溽塗溫也俗云溽暑即蒸濕

之義此時流金燂石喻如陽極而陰生天將

雨而石礎潤。素問云。土熱而生暑濕。唐詩云。南州溽暑醉如酒。是炎蒸之氣。土為火所蒸。故潤。火不勝水而反辱也。十八畫。大雨時行。書。大雨時行。大暑三候。此月大雨。流水潦畜於其中。大雨不云降而云時行者。止是下耳。大雨行於所燒田中。是月可止水漬之。迺壅糞使田之美也。時行。以時而行。猶通也。故曰大雨時行也。

第三冊。一畫涼風至。書涼風至。立秋一候涼風西風也。則天地之仁氣散矣。仁者和也。涼未至於寒。特為寒之微而已。故於秋言涼風至。至者到也。二畫白露降。書白露降。立秋二候白露降。白者金之象。春露則生。秋露則殺。故言白露降。降即下也。三畫寒蟬鳴。書寒蟬鳴。立秋三候寒蟬鳴者。名蛸螻也。其色青。與蜩大同而小異。詩云。寒蟬獨抱一枝鳴。即此。

蟬也。金風始至。初釀其寒。陰氣方行。鳴則天涼。故謂之寒蟬也。四畫。鷹乃祭鳥。書鷹乃祭鳥。處暑一候。鷹祭鳥者。將食之。示有先者。謂鷹欲食鳥之時。先殺鳥而不食。與人之祭食相似。猶供先神不敢即食。故云示有先也。爾雅翼云。秋初之月。鷹將搏鷙。殺鳥於大澤之中。四面陳之。世謂之祭鳥。乃始行殺戮。順秋氣也。五畫。天地始肅。書天地始肅。處暑二候。

天地始肅。歐陽云。夫秋刑官也。於時為陰。又
兵象也。於用為金。西方之氣。夷則為七月之
律。商傷也。物既老而悲傷。夷戮也。是時始肅。
欲將草木摧敗零落者。謂之天地之氣肅殺。
肅嚴急也。故曰始肅。六書禾乃登。書禾乃登。
處暑三候。禾稷也。稷為五穀之長。五穀各分
四時。孟夏之麥。仲夏之黍。仲秋之麻。季秋之
稻。是月禾而成熟。順秋氣收斂物也。故禾登。

焉。七畫。鴻雁來。書。鴻雁來。白露一候。鴻雁之屬也。大者曰鴻。小者曰雁。凡物隨陰陽者是。月。鴻雁來耳。月令云。八月則鴻雁來也。八畫。元鳥歸。書。元鳥歸。白露二候。元鳥秋分前歸。蟄。他物之蟄。近在本處。今元鳥之蟄。不遠在於四夷。爾雅翼云。燕之來去。皆避於社。他無所歸。多藏深山大空木中。互相茹食毛羽。皆無蟄藏堤岸之中。故云歸也。九畫。羣鳥養羞。

書羣鳥養羞。白露三候。羣鳥養羞。鴻烈云。羣鳥翔。寒氣至。羣鳥肥盛。試其羽翼而欲高翔。今作養。謂育其毛羽也。羞。遜也。故曰羣鳥養羞。十書雷始收聲。書雷始收聲。秋分一候。雷陽氣也。主於動。不惟地中潛伏而已。傳曰。雷二月出地。百八十三日。雷出萬物出。八月入地。百八十三日。雷入萬物入。是時故收斂其聲也。十一書蟄蟲壞戶。書蟄蟲壞戶。秋分二

候。坏者益也。益戶。謂稍小之也。陰氣將至。時
氣尚溫。猶須出入。故坏戶之稍小。是氣使之
然也。十二畫水始涸。書水始涸。秋分三候。水
始涸。辰角。大辰蒼龍之角。星之名。見者。朝見
東方。天根。亢氏之間。謂辰角見而雨畢。天根
見。水涸。殺氣日盛。雨氣盡也。十三畫鴻雁來
賓。書鴻雁來賓。寒露一候。賓。客也。言來賓。不
以中國為居也。仲季二秋之雁。皆從北漢中。

來過周雉。南至彭蠡而止。但分老幼遲速。八月來早者。速也。是其父母也。是月來晚者。遲也。蓋其子也。羽翼稚弱。在於後耳。故言來賓也。十四晝。雀入大水為蛤。書。雀入大水為蛤。寒露二候。雀老者名嘉賓。俗謂之黃雀是也。大水。淮海也。太平廣記云。秋化為蛤。春復化為黃雀。雖有復化。候之不言也。是候止言變。故感氣而為小蛤也。十五晝。菊有黃華。書。菊

有黃華。寒露三候。菊有黃華。仲春之桃花紅。季春之桐花白。皆不言色。止言其華。萬物皆華於陽。此獨華於陰。特言其色。而黃華者。正應陰盛之故也。十六畫豺乃祭獸。書豺乃祭獸。霜降一候。豺類狗而長尾白頰。前高後廣。其色黃。是月取獸四面陳之以祀其先。世謂之豺祭獸。豺獺形別。魚獸稍異。其義一也。十七畫草木黃落。書草木黃落。霜降二候。草木

黃落者。土之色。百昌皆生於土。而反墮於土。是月肅殺之氣甚極。草拂之而色變。木遭之而葉脫。萬物故迺黃落。落則反歸於土矣。十八畫。蟄蟲咸俯。書蟄蟲咸俯。霜降三候。蟄蟲咸俯。孔氏曰。頽垂頭也。前月但藏而坏戶。此月既寒。故隨頭向下。以隨陽氣稍沉在下。又塗塞其戶穴。以辟地上陰殺之氣。故曰咸俯也。

第四冊。一畫水始冰。書水始冰。立冬一候。水始冰。淮南子云。水向冬則凝而為冰。是月水始冰。漸薄冰也。詞云。玉壺一夜冰漸滿。水以陽釋冰。以陰凝而結冰也。二畫地始凍。書地始凍。立冬二候。地始凍。蓋地氣閉而陽不能熙。益冬者重陰之始。故言地始凍也。三畫雉入大水為蜃。書雉入大水為蜃。立冬三候。雉者其類不一。十有餘種。曰鵠。曰鵲。曰鳩。曰鷺。

曰秩曰雉曰鷦曰鷦當作鷦曰鷦曰鷦

鷦曰鷦雖有名焉應候之禽唯取鷦山雉也

雌者性剛介雄者好鬪白孔六帖云則表而

出之即野雞也是時感氣而化蜃蜃大蛤也

故曰雉入大水為蜃四書虹藏不見書虹藏

不見小雪一候虹以陰陽交而見是乾道不

興地道以寧陰陽至極故純陰純陽則虹藏

不見也五書天氣上升地氣下降書天氣上

升。地氣下降。小雪二候。天氣上升。地氣下降者。是時六陽從上退盡。無復用事。天體在上。不近於物。似若陽歸於天。故云天氣上升。是月純陰用事。地體凝凍。寒氣逼物。地又在下。故云地氣下降也。六書閉塞而成冬。書閉塞而成冬。小雪三候。閉塞成冬。此月陰氣凝固。陽須閉藏。天地壅蔽。萬物不使宣露。昆蟲皆蟄於土之下。閉藏之氣。如牕牖門戶。畧無罅。

隙之道。天道不降。地道不升。是以天地之氣。各無沮泄。故迺閉塞而成冬也。七畫。鷦鷯不鳴。書。鷦鷯不鳴。大雪一候。鷦鷯求旦之穀鳥也。似雉而大。青色。首似戴冠。顏師古云。世謂之鷦鷯。性輒好鬪。敵之而不知死。古者武士乃效為之冠。取其勇也。夜鳴則陰類迎陽而不鳴。故曰鷦鷯不鳴。八畫。虎始交。書。虎始交。大雪二候。虎有數種。但分毛色以別之。性致猛。

烈。雖追逐猶復徘徊顧步。搏物不過三躍。不
中則捨之。嘯則風生。風生而萬籟皆作。伏則
風止。風止而萬籟皆息。亦氣感之耳。是月虎
始交。猶合也。故曰虎始交。九晝荔挺出。書荔
挺出。大雪三候。荔。馬薤也。按本草云。即馬蘭
也。似蒲而小。根可為刷。挺者。言氣之直達。凡
物之氣感陰者腥。乘陽者香。故應陽而挺出
也。十晝蚯蚓結。書蚯蚓結。冬至一候。蚯蚓結。

蔡氏云。結猶屈也。蚯蚓在穴。屈首而下。是月雖有微陽。而猶結焉。結之言未解也。十一晝麋角解。書麋角解。冬至二候。麋。大鹿也。麋與鹿相反。鹿是陽獸。情淫而游山。夏至得陰氣而解角。從陽退之象。麋是陰獸。情淫而游澤。冬至得陽氣而解角。從陰退之象。解。隕墮也。故曰解角。

麋小而鹿大。確然不易。今木蘭之鹿大。或如馬。俗亦呼為馬鹿。若山莊及吉林之麋。雖大者尚不及鹿三分之二。且鹿色純蒼。麋則黃質白斑。故亦謂之梅花鹿。以其斑文相似而名。梅與麋又音相近也。夏珪此圖。麋轉大於鹿。毛又純蒼。良由珪生長南方。從未得見鹿。與麋之大小毛色。無怪其落筆茫然耳。至所繪雙角連剝骨並解。與鹿角解。幀同一舛誤。已於前幀題什辨訂之。己亥季夏月。御識。

上方
另幅

十二晝。水泉動。書。水泉動。冬至三候。水

泉動者。是月陰極於此而終。陽生於此而始。

故曰水泉動也。十三晝。雁北鄉。書。雁北鄉。小

寒一候。雁北鄉。大戴禮云。先言雁而後言鄉。

者何也。見雁而後數其鄉也。鄉者何也。鄉其

居也。雁以北方為居。何以為之居。生且長焉。

故曰雁北鄉。十四晝。鵲始巢。書。鵲始巢。小寒

二候。鵲知陰陽向背。風水高下。歲必一營其

巢而孳生。比之他物最早。巢常背太歲而向
天。乙葺巢取木枝條。不取墮地之枝。巢中亦
塗飾橫梁其中。故小寒五日始巢也。十五晝
雉雊。書雉雊。小寒三候。雊。雌雄皆鳴也。是月
雷在地中。雉先知而鳴。孟冬言入大水為蜃。
此候而言鳴。形雖相類。候分兩途。隨氣之應。
化者只言化。鳴者祇言鳴。故曰雉雊。十六晝
雞乳。書雞乳。大寒一候。雞乳。詩云。風雨淒淒。

雞鳴喈喈。風雨瀟瀟。雞鳴膠膠。喈喈鳴不失。
其和。膠膠鳴不失其固。尚且不失其度。何況
應候乎。古云雞之德有五。頭戴冠文也。足傳
距武也。敢鬪者勇也。見食相呼者仁也。鳴不
失時者信也。又雞知時。日抱其卵而善伏。猶
且未孚。故曰始乳。十七晝。征鳥厲疾。晝。征鳥
厲疾。大寒二候。齊人謂之擊征。曰題肩。曰雀
鷹。是時殺氣盛極。故鷹隼之厲。取鳥捷疾嚴。

猛也。為其將復為鳩。於是厲疾。物極必反。故
乃厲疾也。十八畫。水澤腹堅。書。水澤腹堅。大
寒三候。水澤腹堅。腹厚也。冰方盛。則重陰極
於此故也。盛極而衰。東風將欲解凍。言此方
盛。水以陽熙而柔。以陰凝而堅。故曰腹堅。則
堅達於內。非持形於面而已。另幅跋語。人
繪事。必援經以示可信。如二南圖。月令圖。雜
別品類。參合形氣。筆端神會。與造化相周旋。

此七十二候冊。迺秘閣粉本。夏禹玉所作。是
即二南月令之遺蘊也。構意竒古。而寒暑景
象。出之以自然。不為纖巧繁縟之態。其為真
蹟無疑。所由遠接荆關。而近趨李馬者。展開
會心。特為表出。隸古左方。以誌因時寓物之
意云。景炎二年丙子夏四月上澣。弁陽周密。
各幅分鈐印。公謹父。重四周密之印。重十齊
周氏。重五密。重十另行行書。元貞二年秋八

月。大梁趙由初觀。

前副葉

御筆分題

繪具發生。冊一景宣長養。冊二含毫布肅。冊三託素備成。

冊四

後副葉。冊一

御識

夏珪畫月令七十二候冊。蒼古簡淡。與格古要論。

所評珪畫語相合。又王履謂馬夏之畫。麤而不失於俗。細而不流於媚。有遠韻而無鄙格。證之亦復不爽。第考清河書畫舫及諸家鑒藏所載珪畫。俱未及此冊。見聞缺畧。容或有之。然畫幅珪未署名。惟以周密跋語定為珪畫。已介疑似之間。且周密在宋末。隱居不仕。所著癸辛雜識。雲烟過眼錄諸書。頗行於世。而不聞其工隸。今觀各幅隸書。圓而不勁。似非高人筆札。王亶望因密之跋。而信珪畫。

為真。余則因密之隸。轉不能不疑珪畫之亦贗矣。惟諦觀其結構神韻。亦非後世庸史所及。或明初高手追摹珪法為之。亦可存而不擯。若竟以為夏珪真蹟。則不可。因閱其鹿麋解角各幅。訛舛背理者。親為題識辨正之。書其幀上。而以近所作七十二候詩。命梁國治另書成冊。與畫冊并弄山莊於辨別謹嚴之中。兼寓考古闕疑之意。固兩不相妨耳。己亥季夏月中澣。御識。

冊內分鈐

寶璽

五福五代堂古稀天子寶_三重八徵耄念之寶_三重德日

新_三乾隆_四重乾隆御覽之寶_三重避暑山莊_三重

太上皇帝之寶_三重會心不遠德充符幾暇怡情得佳

趣

鑒藏寶璽

全_五重

寶笈三編

謹案趙由初宋燕王後孟仁之子見宋宗室世系表

[illegible]

宋人關山行旅圖一軸

〔本幅〕絹本。縱一尺七寸五分。橫二尺五寸。青綠畫尖峯峭壁。棧道盤紆。行旅雜沓。步騎後先。蓋以數十百計。無款印。

高宗純皇帝御題行書

青綠關山迴。崎嶇道路長。客人各結束。行李自周詳。總為名和利。那辭勞與忙。年陳失姓氏。北宋近乎唐。甲午新秋。御題。鈐寶二。乾隆。

軸內分鈴

寶璽避暑山莊乾隆御覽之寶

鑒藏寶璽

五璽寶笈三編

收傳印記濠梁胡氏相府圖書子長項篤壽
印。丹誠珍祕。宜爾子孫真賞。琴書堂都尉耿
信公書畫之章。公信公珍賞。會侯珍藏。阿不
喜音之印。泉平。

元王淵畫秋塘立鷺一卷

〔本幅〕紙本。縱八寸五分。橫四尺四寸。設色畫紅葉臨溪。秋蓮已謝。雙鷺相顧而立。款至大三年八月之望。若水王淵畫。隸鈐印一。若水。

高宗純皇帝御題行書。

鄭黃畫法各師良。獨撰寫生尤出常。細膩中仍饒古朴。經營外別見滄涼。一雙白鷺蘆花立。半朵紅蓮秋水茫。作者分明注論語。再斯可矣味猶長。辛

丑重陽日御題鈐寶二

古稀天子猶日孜孜

引首

御書神傳味外鈐寶一乾隆御筆

題籤

御書王淵秋塘立鷺真蹟神鈐寶一乾隆宸翰

後幅題跋

澹軒居士擅畫山水師郭河陽人物師唐人

花鳥師黃筌其所作一一精妙無一筆院體
寫生尤其所長今觀是卷為當代絕藝也尚
左生鄭元祐題鈐印一鄭氏明德丹邱生
柯九思觀鈐印一柯氏敬仲金門羽客方
方壺觀於上清宮鈐印一方壺書印

卷內分鈐

寶璽烟雨樓寶

五福五代堂古稀天子寶

古希天子。鍾烟雨樓。猶日孜孜。乾隆御覽之寶。乾隆
鑑賞。避暑山莊。八徵耄念之寶。

太上皇帝之寶。

鑑藏寶璽

全五璽 寶笈三編。

收傳印記。物外奇寶。碧梧翠竹堂。游於藝。

元倪瓚岩居圖一軸

本幅紙本。縱一尺七寸。橫九寸五分。淺設色。
畫疎林竹屋。掩映山岩。有石橋可通幽徑。自
題華陽上館。誰曾到。知有高人避世深。當戶
春雲團紫葢。洗空花雨散青林。巖居篆迹龍
蛇動。經閣松聲鸞鶴吟。念子淒淒消息遠。且
將書札寄遙岑。和虞學士作。題巖居圖。寄伯
雨外史瓚。壬子十月廿二日。無印。

高宗純皇帝御題行書

幾个一拳多。屢鼎巖居此。獨見渾深。並無人跡來。
空谷疑有雲。容出遠林。已似山陽。曾著論。不須梁
父更成吟。竹編茶竈。依然好。引我遐心。到惠岑甲
申春日。御題。鈐寶二。幾暇怡情。得佳趣。

前人題詠

仙館高閒。事事幽。竹編茶竈。淪清流。氣催巖
屋冬猶煖。聲應溪橋興。自悠。玉白。夜敲蒼雪。

冷翠瓶晴引碧雲稠。張公避迹還開社。若個
知心是趙州。孟端鈐印一漫漶。

玉池

御書。渾深。鈐寶六。乾隆宸翰得象外意。

古希天子。

太上皇帝之寶。八徵耄念之寶。游六藝圃。

軸內分鈐

寶璽。乾隆御覽之寶。乾隆鑑賞。

鑒藏寶璽

全五璽

寶笈三編

元倪瓚萬壑秋亭圖 一軸

本幅紙本。縱三尺八寸五分。橫八寸。水墨畫萬壑層疊。秋樹蕭疎。一笠小亭。正面飛瀑。無款印。原題。雲林自寫雲林畫。淡墨蕭條竹樹。秋黃菊滿叢亭上。亂山重疊似岑樓。成化癸巳秋。鼎客菊亭為題。倪迂用墨清如許。滿目雲林萬壑秋。松菊亭前一開闔。不煩拄笏上層樓。綬和鈐印二公。綬乙未。

玉池

高宗純皇帝御題神來候也。雖是雲林漏名氏問

誰能貌箇中秋。一亭置在千峯底。卻似千峯頂上樓。用圖中題者韻。丙午新秋御題。鈐寶二。

古稀天子之寶。猶日孜孜。

軸內分鈐

寶璽

古希天子。八徵耄念之寶。文園師子林寶。

太上皇帝。乾隆御覽之寶。乾隆鑑賞。

鑒藏寶璽

五璽全

寶笈三編

收傳印記。項元汴印。子京父印。子京所藏。項
墨林祕笈之印。墨林山人。□得。未有。
謹案鼎當即周伯器。綬乃姚雲東也。

[illegible]

元倪瓚畫溪亭山色一軸

本幅紙本。縱二尺三寸。橫一尺。水墨畫疎林遠岫。一亭傍山坡間。自題溪亭山色。丁未五月。東海倪瓚畫。鈐印一。清聽齋。

高宗純皇帝御題行書。

粗疎老筆是其長。此獨溪亭佈景詳。想欲不名一家耳。故當夢見傲嗤王。乙巳仲秋月。御題鈐寶二。古稀天子。猶日孜孜。

前人題詠

石滑巖前雨。泉香樹杪風。江山無限景。都聚一亭中。士雍題。鈐印一。張藻仲。

軸內分鈐

寶璽文園師子林寶。

古稀天子。乾隆御覽之寶。

太上皇帝之寶。

鑒藏寶璽

全五璽

寶笈三編。

收傳印記。盛氏印。長宜子孫。平生真賞。江左世家。

[illegible]

元王蒙畫長松飛瀑一軸

〔本幅〕紙本。縱四尺。橫一尺五寸五分。淺設色。畫高松蔭屋。飛瀑懸崖。草閣臨流。一人憑欄而玩。款王蒙畫。鈐印二。黃鶴山樵。王蒙之印。高宗純皇帝御題行書。

山莊壁著王蒙畫。見少因題七字詩。設使石渠閱真賞。謂當無暇及於斯。壬寅仲夏月。御題。玲瓏山吐高低瀑。磊落松翻上下風。生面愛他引竒句。

底須真蹟定王蒙。圖中飛泉出壁穴間。雖別具
生面。究不似大家合作。筆法亦覺微嫩。恐非山樵
真蹟。因並識之。甲申中秋月中澣。御題。

軸內分鈐

寶璽

古稀天子。猶日孜孜。乾隆宸翰。幾暇臨池。避暑山莊。

鑒藏寶璽

五璽

寶笈三編

明徐賁眠雲軒圖一卷

本幅紙本。縱九寸二分。橫二尺四寸五分。水墨畫山房數間。流雲一片。一人鼓卧其中。自題。谷口高人宅。晴雲自卷舒。閒眠好天日。清夢到華胥。幼文畫并題。鈐印三。徐賁私印。幼文。樂聖齋。

高宗純皇帝御題行書。

明季能詩家。孰與勃海傳。偶然披此圖。喜復晤青

邱紗幘對快晴。爽風蕩輕裾。胡乃滄瀛雲。不離几
案頭。妙哉施可堂。眠雲意何悠。幼文圖成之。老筆
殊難侔。昔讀大全集。曠若乘虛舟。末由涉其藩。如
望滄瀛洲。是詩久成誦。叫絕杯屢浮。乃今見手蹟。
動我逸興幽。由來出倫材。美備原可求。詩情烏雲
飛。字法龍空游。適然成三絕。展卷不忍收。曾聞白
雲亭。高躅傳郭休。亦越浮雲詩。閒澹憶蘇州。古人
渺其遠。誰能勝一籌。正如彼行雲。蹤跡難延留。雲

留固已佳。與之偕由由。雲去亦云得。絕無得失愁。
虛堂清晝閒。無夢尋莊周。拈來一賡韻。詎論工與
不。惟以紀時日。乾隆丙寅秋。長春書屋御題。即用
高青邱韻。後幅 吳下詩人畫。雲留共畫舒。何勞鼓
枕夢。飛興到姑胥。乾隆壬申。御題。本幅 展圖那得
安眠穩。目共閒雲為卷舒。高啓楊基詩。記在重吟
祇合作鈔胥。辛丑閏夏。疊舊作韻。御題。後隔水 南
江北塞夫何異。雲態山容本自齊。笑謂幼文一何

辛。山莊却得兩重題。辛亥季夏。御題。

後幅前人及臣工題跋

眠雲軒記。余舊業九龍山。山有石竇。深叵測。竇傍有湫。淵黑險絕。相傳龍宅其中。無寒暑。陰霽而雲生焉。讀書之暇。拄頤坐石。看雲去來。其出也。若有期。還也。若有歸。儵爾散也。如會而離。俄而合也。如附而依。不知雲之果有知。果無知耶。陟其高。滃然在足。憑其虛。縈然

在腋。余固不期於雲。雲亦不自知也。嘗名其室曰留雲。復自笑曰。余留雲邪。雲留余邪。雲不余留而余為雲留耶。淮浙無趣。奔走辟亂。興與當作雲別且二十年。每懷留雲之樂。杳不可得。而陵谷遷變。湫涸竇塞。雲之興亦不復如曩時矣。於戲。雲為山川靈氣。嗟吸變化。莫可窺測。而猶與時盛衰。余獨何悲哉。思欲即所居構小軒。顏曰懷雲。以倥偬未暇。而吳門

施君可堂。以眠雲軒記屬余為文。噫。君其得我心之同然者歟。抑亦厭世紛慕曠逸。而將與天游也。君居城郭。去山輒數十里。几榻戶牖。未嘗與雲接。然而君以醫濟人。其利物之心。油然以生。勃然以興。飄飄乎如御風凌虛。於偃息之頃。雲非雲何計耶。他日余將歸理舊業。闢留雲之室於山下。懸一榻以待君。君能為我來乎。君來。雲將留君矣。至正丙午秋。

八月既望。嘉陵楊基記。鈴印三。墨香亭。楊孟
載。恩榮四也。古弁一高士。白雲與之儔。性
懶復好眠。招雲宿林邱。下雲作簟席。上雲作
衾裯。當作雲去稍舒膝。雲來正蒙頭。一生無
心夢。與雲兩悠悠。自言眠雲樂。世無一可侔。
浩然身欲飄。若乘無倪舟。朝至乎帝鄉。夕返
乎僊洲。寧知日月旋。但覺乾坤浮。天鷄叫不
醒。盲盲空岩幽。我觀山川氣。出入不可求。或

逐鷺鶴翔。或從蛟龍游。或為風伯驅。狼籍不
得收。或遭雨師怒。奔走無停休。小生膚寸間。
大覆徧九州。變化實多狀。欲算苦費籌。奈何
一室間。爾獨解使留。我行塵霧區。願出久未
由。舉足常防危。開眼即見愁。不如閉戶眠。往
尋孔與周。愧無山中緣。雲肯相隨不。唯當去
從爾。一夢三千秋。勃海高啟。鈐印。高季迪。

元末國初名流羣起以詩文著稱者高太

史季迪啓。楊憲使孟載基。張太常來儀羽。徐
方伯幼文賁。時稱高楊張徐四大家。而季迪
之詩尚矣。三公復精繪事。孟載兼善書。是又
不特以詩文見長也。此卷有烟嵐杳靄之致。
為幼文真蹟無疑。楊之記書法直入二王之
室。高之詩蹟尤世罕覩。皆為眠雲軒而作。圖
詠文翰於焉備美。可稱四絕真奇寶也。石雲
居士題鈴印一。攝生齋奉。

敕題徐賁眠雲圖用高啓元韻。吳門有四傑。雲龍合
朋傳。高楊與張徐。初服耽林邱。青山為枕藉。
烟蘿當衾裯。幼文善點筆。洗墨清溪頭。為寫
眠雲圖。逢逢復悠悠。空谷衣裳冷。應與晞髮
俦。高卧呼不醒。天地同虛舟。置身烟霞窟。游
神鳳麟洲。豈比愚公愚。或似浮邱浮。品題者
誰子。缶鳴語清幽。味隨泉石澹。格向王韋求。
雲飛出故山。長謝靈巖游。文繡太廟犧。先後

俱見收。有慕司空圖。築亭遂三休。人遠畫完
好。流傳在中州。於今四百年。屈指庶可籌。一
朝歸。

祕府圖球並珍留。精氣當遠耀。潛顯蓋有由。譬
諸明良會。沉淪自無愁。我

皇勤政治。夢寐接孔周。泳游於藝圃。留意能同不。白
雲常在天。此卷應千秋。臣沈德潛鈐印。臣

沈德潛印。

卷內分鈐

寶璽避暑山莊萬有同春用筆在心乾隆御覽之寶
乾隆鑑賞內府書畫之寶會心不遠叢雲涵虛朗
鑑樂天天府珍藏

五福五代堂古稀天子寶八徵耄念之寶墨雲寓意
于物會心不遠德充符古香太璞

古稀天子之寶猶日孜孜八徵耄念自彊不息

太上皇帝之寶

鑒藏寶璽

全五璽

寶笈三編

收傳印記

還密

重

墨林父

父印

半

墨林秘玩

此印下有

神奇

墨林

項元汴

印

重

項子京家

珍藏

重

珍玩

半

淨因菴主

項墨林

父秘笈之

印

子京珍秘

六藝之圃

子孫世昌

神品

墨林

山人

重

墨林生

平生真賞

天籟閣

蘧廬

西楚

王孫

又半

項墨林鑑賞章

又半

樵李

項氏士

家寶玩

安儀周家珍藏

朝鮮人

安岐之印

儀

周鑑賞。安氏儀周書畫之章。思原堂。麓村。

謹案石雲。沈謚號。謚字靖夫。秀水人。嘉靖己丑進士。歷官湖廣參議。學者稱石雲先生。見嘉興府志。

明王紱畫秋江泛艇一軸

本幅紙本。縱三尺八寸。橫一尺六寸。設色畫。秋江如練。水鳥忘機。一人罷釣。攤書而坐。款。永樂元年秋九月。九龍山人王紱畫。鈐印一。九龍山人王氏孟端。

高宗純皇帝御題行書。

波面激秋風。遙峯望不窮。船頭俯溪客。屋底背山翁。溪趣和山趣。人同志弗同。似嫌羨魚者。騁目送。

飛鴻辛丑季夏月御題鈴寶二

古稀天子之寶。猶日孜孜。

前人題詠

得傍江山住。清秋興益佳。沙平明素浪。蘆細軟芒鞋。峯落猶千頃。人歸只一涯。但為風月主。何地不開懷。野艇青溪客。飄飄自在翁。陽關三妙句。采石一江風。疎荻淡今月。寒潮響古松。可知岩屋裏。影落酒杯中。石納征

帆影山留萬古春。文章扶世界。天地報才人。
溪韻何曾歇。清風故自淳。不知幽想外。詩思
幾回新。連日依沙際。十年心事遠。青天懸
客坐。白鳥挾波飛。貰酒醉何處。懷人速趁歸。
環崖滴蒼翠。爭欲上寒衣。青溪道人正揆題。
鈴印一。正揆之印。

鑒藏寶璽

全五璽

寶笈三編

收傳印記
項子京家珍藏

[illegible]

明沈周桐陰玩鶴圖 一軸

本幅絹本。縱三尺九寸。橫一尺九寸五分。青綠畫。湖水空明。遙山蒼翠。一隻倚杖立桐陰下。一鶴度石橋來。自題兩個梧桐儘有涼。自扶一杖立斜陽。何堪白鶴解人意。來伴蕭閒過石梁。沈周鈐印一。啟南。

高宗純皇帝御題行書

過乳喬梧弗待洗。嘉陰高士立蒼苔。步橋羽客自

成篆。不是鄰翁問字來。辛丑閏夏。御題。綠櫚桐
雲爽籟披。屢屢筇杖立移時。恰如處士孤山北。放
去還應自款之。壬寅季夏月。御題。

玉池

御書。賞趣鈐寶一。乾隆御筆。

軸內分鈐

寶璽

古稀天子之寶。一。重。猶日孜孜。二。重。

古稀天子。烟雨樓。

鑒藏寶璽

五璽

寶笈三編。

[illegible]

明沈周畫崇山修竹一軸

〔本幅〕紙本。縱四尺四寸二分。橫八寸六分。水墨畫崇山峭壁。竹屋數椽。牕間一人。手書而坐。無款。鈐印一。啓南自題。水墨微蹤。認始真。品題流落。兩傷神。瞻烏爰止。知誰屋。化鶴能來待故人。白髮聊隨山玩世。青山雖在物何珍。悠悠往事詩重訴。又是浮生一夢新。此圖舊與馬抑之展轉以規所。凡題者□人惟

匏庵如醺在。餘併抑之以規。皆化去。感慨乃
有是篇。辛酉七夕後一日。沈周。鈐印二。啓南。
白石翁。

〔玉池〕

高宗純皇帝御題行書。

崇山不藉白雲高。修竹清溪護野皋。設擬蘭亭修
禊事。右軍筆陣孰能操。甲辰仲夏月。御題。鈐寶二。
古稀天子之寶。猶日孜孜。

前人題跋。

屋前山萬峯。屋角竹千樵。此中如可尋。踏破
白雲頂。立齋鈴印二鳳儀。賜□進士。劉子
讀書處。茆齋水木間。杖藜何日去。相與入穿
山。予嘗聞以規談其鄉穿山之勝。欲一游之
而未能。故及之。壬辰秋仲十九日。吳寬記。鈴
印一。中吳吳寬。柳暗花明入鳳城。壯游不
動別離情。賈生袖裏多長策。欲為君王致太

平。吾弟以規角藝南宮。因題沈啓南山水。以期其遠大。時成化六年春仲。完庵劉珏廷美識。鈴印一。完菴。輞川圖畫渭城詩。千里相看有所思。老盡碧桃山色在。劉郎去後沈郎悲。劉完庵沈石田皆以詩畫擅名。壬辰春完庵卒。而以規持是圖在京邸索題。因錄如右。八月二十六日。文林識。鈴印一小文。

軸內分鈴

寶璽避暑山莊文津閣寶

太上皇帝之寶乾隆御覽之寶

五福五代堂古稀天子寶八徵耄念之寶

古希天子

鑒藏寶璽五寶笈三編

謹案馬柳之見前劉以規名姪常熟人成化
乙酉舉人歷官定州知州文林字宗儒徽州
父成化壬辰進士歷官溫州知府俱見蘇州
府志

[illegible]

明唐寅畫震澤烟樹 一軸

〔本幅〕紙本。縱一尺四寸七分。橫一尺二寸。淺設色。畫湖波渺瀰。修竹萬竿。客舫中流而碇。似阻風者。竹林茅屋。炊烟如一縷白雲。冉冉欲活。自題大江之東水為國。其間巨浸稱震澤。澤中有山七十二。夫椒最大居其一。夫椒山人耿敬齋。與我十年為舊識。晝耕夜讀古人書。青天仰面無慚色。令我圖其所居景。烟

樹茫茫。渾水墨。我也奔馳名利人。老來靜拂
塵埃跡。相期與君老湖上。香飴魚羹首同白。
晉昌唐寅。鈐印一。唐伯虎。

玉池

高宗純皇帝御題行書。

太湖三萬六千頃。卷石夫椒中卜居。茅屋烟波足
娛老。秋風底用憶蓴魚。甲辰新秋上澣。御題。鈐寶
二。

古稀天子之寶。猶日孜孜。

軸內分鈐

寶璽避暑山莊文津閣寶。

太上皇帝之寶。乾隆御覽之寶。

古希天子。

五福五代堂古稀天子寶。八徵耄念之寶。

鑒藏寶璽。

五璽全。

寶笈三編。

收傳印記。史西眉鑒賞圖書。許聚之印。星瑞。

明仇英西園雅集圖 一軸

本幅絹本。縱九寸五分。橫一尺。設色畫。款仇英實父。鈐印一。十洲原題仇實父做趙千里作西園雅集圖。減去二女奴銀鬟翠飾。殊為莊雅。第并陳碧虛道士秀法師亦遺之。不成高會耳。其昌鈐印二。太史氏董其昌。

玉池

高宗純皇帝御題行書。

十洲曾寫西園景。裝潢或裁舊幅長。事在雅非在
人數。却看著相議香光。甲辰仲春上澣。御題鈴寶
二。

古稀天子之寶。猶日孜孜。

軸內分鈴

寶璽避暑山莊。

信天主人。

天恩八旬。

五福五代堂古稀天子寶。

古希天子。文津閣寶。

太上皇帝之寶。乾隆御覽之寶。

鑒藏寶璽

五璽

寶笈三編。

[illegible]

明文徵明畫古木寒泉 一軸

本幅紙本。縱二尺六寸。橫一尺九寸。淺設色。畫山石嶮岈。飛泉層疊而下。古木縱橫。一童子抱琴自林中度橋而來。一人臨流趺坐。款徵明寫古木寒泉。嘉靖庚戌。鈐印三。徵明。停雲。衡山。

玉池

高宗純皇帝御題行書。

古木槎枒峯匝。寒泉飛落白雲涯。屢屢坐待抱
琴至。攬驛欲為一寫之。甲辰季秋之月。御題。鈐寶
二。

古稀天子之寶。猶日孜孜。

軸內分鈐

寶璽

古稀天子避暑山莊。

五福五代堂古稀天子寶。乾隆御覽之寶。八徵耄念。

之寶。

太上皇帝之寶。文津閣寶。

鑒藏寶璽

五璽全

寶笈三編。

[illegible]

明文伯仁畫萬壑松風一軸

本幅紙本縱三尺二寸五分橫八寸設色畫
松壑幽深竹籬間靜高人趺坐如有所吟自
題萬壑松風書五峯山人文伯仁寫鈐印二
五峯文伯仁

高宗純皇帝御題行書

家法傳來有伯仁。設濤如響落嶙峋。山莊偶閱因
題句。卅六景中一最真。甲辰仲秋御題鈐寶二

古希天子。猶日孜孜。

軸內鈐

寶璽乾隆御覽之寶

鑒藏寶璽

全五璽

寶笈三編

明王維烈芙蓉秋鴨圖 一軸

本幅紙本。縱三尺七寸八分。橫一尺四寸三分。設色畫木芙蓉數枝。垂於水際。一鴨回首梳翎。似浴而起者。款吳郡王維烈。鈐印二。王維烈字無競。

高宗純皇帝御題行書。

霜寒北漠鴨南迴。幾朵芙蓉貼水開。正是山莊秋半景。畫家那得見茲來。已卯秋仲。避暑山莊御

題鈴寶二。乾隆。

軸內鈴

寶璽避暑山莊。

鑒藏寶璽。五璽寶笈三編。

明人撫徐貴師子林圖一卷

本幅紙本書畫相間各十二幅畫幅皆縱六寸九分橫八寸二分水墨畫各標名一師子

峯篆書二含暉峯篆書三吐月峯隸書四小飛虹隸書

五禪窩隸書六竹谷隸書七卧雲室隸書八失標名

九指柏軒隸書十問梅閣篆書十一冰壺井篆書十

二玉鑑池篆書無款印書幅縱橫皆六寸九分

如廣孝題詩十二首並識已見續編

後幅

陸深跋并錄維則高啓徐賁倪瓚道衍詩

俱見

續編

後隔水臣工恭跋

石渠寶笈藏徐賁獅子林圖卷冊各一

命臣等詳加閱看。逐幅比對。冊葉之畫。高古深厚。書法亦得晉唐遺意。的係真本。至此卷書畫未免較遜。然筆氣清疎。亦甚工雅。當出高手臨

摹。特既得徐賁真蹟。應請將此卷改入次等。
並擬將題籤改書明人摹徐賁獅子林圖。以
示區別。臣梁國治
臣劉墉
臣彭元瑞
臣董誥
臣曹文植
臣金士松恭識。鈐印二。臣誥敬書。

卷內分鈐

高宗純皇帝寶璽。乾隆御覽之寶。乾隆鑑賞。

鑒藏寶璽

五璽全

寶笈三編。

收傳印記。希之。重市隱歸來。歸來印。重

謹案維則字天如。姓譚氏。吉之永新人。初中
峯本禪師。住天目。師子巖。則得法於中峯。至
正間。門人買地於蘇之東城。因岡阜為山。有
石蹲名師子。林且識法之源自天目。師子巖
也。其地後歸倪瓚。見蘇州府志。

惲壽平畫山水一軸

本幅紙本。縱二尺七寸。橫一尺五寸。設色畫。烟巒滅沒。竹樹蕭疎。茅屋臨溪。縹緗滿榻。一童子攜甕出汲。似將煮茗待客者。無款。鈐印一。惲正叔原題。古樹槎枒瘦石支。草堂寂寂日遲遲。纖塵不到烟雲靜。想見先生破墨時。南田翁筆墨仙骨天成氣運淡遠。展覽之次沁人心脾。誠逸品也。東海吳晨題。鈐印二。吳。

晨

高宗純皇帝御題行書

茅屋還教山木支。日長山靜鳥聲遲。主人訪客將
何往。童子攜壺餉茗時。己亥新秋上澣。御題。鈐寶
二。乾隆。

玉池

御書。雲峯靜會。鈐寶一。乾隆御筆。

鑒藏寶璽

全五璽

寶笈三編。

陳書長松圖 一軸

〔本幅〕紙本。縱二尺六寸五分。橫九寸五分。設色畫長松一株。下蔭水閣。中一人攤書而坐。款閣外長松三百年物也。暇即圖之。陳氏錢書。鈐印二。女史。陳書。

高宗純皇帝御題行書

壁畫長松三百年。真松牕外綠參天。兩翁不識誰兄弟。照影疑如立鏡前。甲申仲秋月。御題。三百

年松擎古枝。寫形女史壁間披。若論牕外真松古。
相對還應弟視之。甲辰季夏。御題。

玉池

御筆續題

巖松壁畫各軒軒。霞舉答相謾。籟翻女史古圖經。
屢詠笑予於此未忘言。庚戌季夏。御題。江南塞
北原無涉。室裏山中若有期。女史或知此意否。七
章佛偈早言之。癸丑季夏。御題。


軸內分鈐

寶璽惟精惟一。乾隆宸翰。

古稀天子。猶日孜孜。八徵耄念之寶。二。重。自彊不息。二。重。乾隆御覽之寶。

古希天子。避暑山莊。

鑒藏寶璽。五璽寶笈三編。



錢陳羣書

高宗純皇帝幸避暑山莊詩附恭和詩 一冊

本幅宣紙本。摺裝二十九幅。皆縱六寸三分。橫七寸九分。一至十二幅。行書。

御製詩十三至二十七幅。自書恭和詩。

恭奉

皇太后啟蹕幸避暑山莊作爽颼皎日曉秋天。蘭上行將試大畋。敬奉

慈輿循後頓。

向每日奉安。

慈輦逐程而進。以便問

太后懿旨。欲同日起程。是日駐湯泉較近。而後一日至山莊。則程既緩而隨從諸人亦均適便。朕欽遵。遂以爰驅清蹕。啟前旌。浮橋潦水。收新漲。彌野為例。

香風拂甫田。歲歲塞巡觀。寶穡是今年。

降旨免經過州縣賦十分之三。詩以誌事。北巡

經赤縣。例免三弗取。去歲及前年。乃至十之五。誠

以遭游饑。民艱廩心苦。兩熟幸去歲。去歲麥既收。秋田亦頗稔。

元氣復未覩。今夏麥勝昨。大田若暘雨。按轡所經

歷翼翼。芄稷黍。登場在指日。審足資三鬴。可以按
恒例。免三增惠汝。其實賦幾何。寧如遇豐廩。

天恩信博濟。人事終小補。

賦得石戴古車轍。

土變為石。

因而車跡猶存。此可以闡杜詩未發之義。遂以成詠。

北征曾著句。未發義猶

元。驀爾見車轍。填如戴路邊。出門仍自合。閱古尚

依然。詎是石工斲。尤非井溜穿。灼知因土變。用得

識輪駢。那有螳螂怒。惟餘蜿蜒連。遵茲堪潦避。

平時

驅車者皆不由此。恐妨槃輪。至潦行時。由此視時率就此而進。以石堅不致泥濘陷車也。

遷妙蘊思工部五言為去聲注詮出古北口作昨

夜微陰詰旦晴千山翠色益晶明今朝秋末三庚

盡便有涼風馬上迎雉堞依然棲絕峯亡秦寧

可恃提封若無竟海巖巖者今日誰因笑祖龍

因山為市操去聲奇贏列販從來不事征凡關口例有稅惟古

北獨無蓋皇祖欲加恩此地民至今遵以為例百歲老人歌

厚德街旁一例執香迎高下秋田苗總茂果然關

外勝關中宜暘通日心誠慰因慰翻殷懼滿衷

過青石梁。石棧隆崇。雲裏盤。北來屈指最高巒。昨
朝細雨不成陣。今日晴空迴覺寬。過嶺東西異流
水。策驄上下一征鞍。剡修歲久塗增坦。可復誰歌
行路難。小金山每至山軒必有言。上懸碧宇下
江翻。似茲聲色縱橫地。何處著他衆妙門。欄杆
迴據玉芙蓉。落落階前百尺松。若與石鐔論大小。
須彌叢葉早稱宗。繞階石古點莓苔。山果因風
落幾枚。底事今朝頗覺喜。為看一路好秋來。至

避暑山莊駐蹕成什。每歲秋臨避暑莊。逮云至止。

暑先藏。去年曾一觀其妙。去歲夏月。即恭奉皇太后駐此。

夏清真稱樂以長。預此清塵成例典。見前明當愛日

仰

康彊。幾閑那得饒清靜。不盡吟題正待償。永佑寺

瞻拜

神御作。下馬先瞻

神御宮。覲揚惟切一心中。砌蟲仍是向來韻。庭樹又

披今度風宮。增傑碑落魏煥。

是年舍利塔初落成。碑以誌事。

祖功

宗德並高崇。幸逢秋穡將登稔。待歲殷懷昔日同。千

山田歲待豐。皇祖御製句也。

出麗正門恭迎

皇太后駕至山莊。昨宵霏細雨。誠恐礙
輿行。半夜全開霽。歡生策馬迎。

康彊緣

大德。游豫

喜西成。自益無疆。

壽。詎惟必得名。泛舟即景四首。去歲淤泥大剗治。

新秋活水滿清池。輕舟訝似行於鏡。凡事因思在

豫為。錦雲叢裏衆香醺。真是泉甘土亦甘。千葉

蓮花大於斗。誰云塞北遜江南。菰蒲澹蕩野鳬

依。疑似江鄉是也非。舟過無心學相狎。見人故自

不知飛。西山一帶浸湖光。簇簇芙蓉波底藏。攀

陟何須勞步履。坐游耐可泛沙棠。雨中觀瀑隨

山疏映咽。瀉澗垂幡纒。何時不宜觀。最宜觀雨裏。
藻藻與淙淙。色色聲聲美。接上疑有根。落下復無
底。一合相清真。那可以言擬。曉五更覺衾寒。牕
影猶未明。假寐復醒來。庭樹禽送聲。昀昕旋大朗。
東山朱鳥騰。晨嵐落峭涼。棉衣渾恰勝。閣本閒兩
朝。限於置郵程。勅幾則無閒。况有日奏呈。閣本例
隔兩日
馳至。而各處驛遞奏摺。及行在
軍機辦理之事。原無閒日也。雖云偃軍旅。方將
籌牧耕。問政敢懈心。協時彌塵情。翥鶴三首翥。

鶴翩翩掠過軒。不低還復不高騫。分明自適雲山
樂。亦自未忘梁稻恩。山城飛出又飛來。大異龍
中大快哉。一舉吾因獲兩得。何曾少却羽仙陪。
養成羽翼那長往。祇繞山莊鳴夏然。不是東坡游
赤壁。揖予宛遇皞衣仙。雜言。西峰夕照漸漸低。
東峰夕照漸漸高。淺澗流水聲激越。深澗流水聲
藏韜。無心即鹿近偏狎。有心即鹿遠已跳。山中所
得率如此。萬物皆備於我矣。秋英。秋英本最幽。

塞中幽更美。如彼巖壑間。處之以君子。各種無不
具。繞砌舒寒蕤。翻風鬱金黃。浥露琅玕紫。游鹿尚
忘去。稚蜂自應止。觸目已澄神。何必膽瓶裏。便擬
贈以言。還當戒其綺。題陳書長松圖壁畫長松

三百年。

見畫中
自識語。

真松牕外綠參天。兩翁不識誰兄

弟。照影疑如立鏡前。臣錢陳羣敬書。

恭和詩附
錄於後。 鈐

印三。解慍阜財。臣錢陳羣。勤能補拙。

恭奉

皇太后啟蹕幸避暑山莊作
火繖初移七月天。選

徒諏吉正行旼。輕程

警蹕遵

前導。近輔風光上細旗。孺慕長依惟

愛日。

慈顏添霽為秋田。匪今匪且昇平樂。從此應歌古有
年。

降旨免經過州縣賦十分之三詩以誌事。

皇仁及所經。三之一弗取。

時巡上體恤民艱。絲黍不累民。

間雖年穀順成。猶歲近畿。歉收。發帑賑濟。出粟平糶。諸政並舉。猶免征田租之半。至去年既有收矣。猶加恩免半。以休息民力。今年二麥登。百穀稔。則遵常例免三。以取。猶致丁寧告誡。以期與民共承。天庥。進驥虞而登皞皞。裕矣。免三為曠典。何況十之五。年登。

恩尚加篤。念民力苦。損上以益下。豐樂庶可觀。果然。今年秋。

穹蒼惠霖雨。早得家兒書。曰大收禾黍。方可冀蓋藏。

豈直足二黼。批荅勵益勤。宣意責惟汝。

昨八
月杪

臣子錢汝誠查勘旗地行麻。寄稟云數月來
周循四路。秋禾較去年尤稔。臣額手作信復
之。且勉以詳審辦理。以仰副
民祈歲之至意。今恭讀
御製益欣忭

云。
再賡

輦路詩。五備庶草廡。採之入屢豐。雅頌行當補。

賦得石戴古車轍。少陵書所見。箋解未鉤元。昔

有行車轍。今存古道邊。此中含至理。試問半

茫然。

灼識無沾滯。真言會貫穿。豈由兩馬致。不獨萬輪駢。

似鑿深猶淺。如繩斷復連。安知石可變。不信

地終遷。曾記玉琊外。蜂窠得異詮。臣曾舟經

山貴溪諸山下。見峯腰有緯痕。斷續連延數

十里數里不等。訪之居民。皆不能答。一老翁

年九十餘。謂曰。此古緯痕也。臣因誦蘇軾詩

云。古來篙眼如蠶窠。與杜甫詩似有印證。

賤釋杜詩者。俱未及此。

出古北口作。鵲起摩雲趁曉晴。一聲畫角聽分

明。年年玉塞秋時節。澗草巖花解送迎。雲

外秋山山外峯。北門鏤鑰古提封。關城父老
香花裏。仰見祥光擁。

六龍。

睿情吟詠課奇贏。出口新編署北征。不獨貔貅稽首
列。百靈呵護也來迎。黃雲千里正芃芃。關
外秋成一望中。始信

穹蒼垂象意。要將豐穰答

皇衷。

過青石梁。虹勢雲根自屈盤。天然綿亘鬱青巒。

山知

駕幸陰開朗。雲擁人行窄亦寬。

十五年。前臣每扈從。過此。從輿馬簇擁中。

不得前。亦不得後。隨馬足輪蹄推擠而進。任其所之。自然踰梁而就平地。如雲擁者然。

自有秋光添珥筆。誰收山色到吟鞍。識塗老馬今猶在一躍。曾過未覺難。

小金山。要外聲聞悟佛言。須彌納芥尚能翻。江

從地湧山如畫。此是禪家不二門。誰將利

劍削芙蓉。野鶴橫空入古松。但水若昏歸巨
浸。此江不信也。朝宗。

玉驄緩策踏蒼苔。此日賡吟

名馬枚。第一泉邊多望杏。願移

天仗過江來。

至避暑山莊駐蹕成付

緩程六日至山莊。塞上

人家計蓋藏。前導

翠華方莅止。新秋

愛日正舒長。八方就理因時入。百穀今登較昨彊。莫
道山莊尋暇逸。

萬幾咸仰

一人償

永佑寺瞻拜

神御作。當年

儉德法卑宮。十六心傳在執中。熙皞萬方沾

聖澤。蕩平奕禩仰

皇風承

歡自昔垂深鑒

裙即蒙

上幼侍

篤眷逾格

聖

揚

烈於今默效

崇遠至邇安長治日車書行永見三同

出麗正門恭迎

皇太后駕至山莊紫塞神京北

安輿自在行計程今日到

夙駕一鞭迎養

志惟康泰。逢年樂順成。萬方欽。

大孝德盛孰能名。

泛舟即景四首。平鋪一鏡是新治。汨瀾循除漲。

綠池。

文治當年成不日。至今民力便施為。上昨秋

投值大劇濬乃得秋池氣味自醺醺。不獨

迴溪復舊模句。

泉甘雨更甘。昨報平添三尺水。楫師本事仿

江南。白蘋紅蓼故依依。過鳥游魚無是非。

幾暇閑吟樂魚鳥。由來道體寓潛飛。空明輕槩擊

流光。島嶼憑他花鴨藏。計日平江行問俗。

蘭舟樣處進沙棠。

雨中觀瀑。噴薄垂玉龍。百丈何颯纚。助激雨淙

淙。迸落林障裏。大米與山樵。合作成雙美。王蒙

觀瀑圖。米芾雨山。得天本同根。注地終見底。

栖霞疊浪翻。聲色庶可擬。臣曾奉勅

下。見瀑沫濺石。松濤逸響。或庶幾近此。

曉

皇勤昧朝乾。求衣於未明。山中無庭燎。更乏塵市聲。

秋爽侵曉入。嵐靄微騰騰。靜與

仁智會。此際真絕勝。待理每問夜。

勅幾有常程。明鏡無疲照。順應副所呈。雖當農隙近。
敢忘明歲耕。無逸本

家法。萬方鑒

皇情。

翥鶴三首

逸韻翩翩致更軒。高秋雲路會飛鸞。
胎仙本自謀生拙。梁稻難忘終惠恩。山人
解喚鶴歸來。

文囿珍禽亦異哉。不與鸞鳳共阿閤。上清自有列仙
陪。隨意入山飛不遠。一聲清吭一悠然。亦
知瘦影非凡骨。絕似蓬萊舊散仙。

襟言。雨中看山山色低。晴日看山山色高。鴻儒
聳肩談邱索。老將祕枕矜鈴韜。禮鼠迎客拱

而立。山雉逢人。嗅而跳。影以步移。多似此。無
心遇之。皆得矣。

秋華。塞上多秋英。

天藻繪其美。嬰娜如佳人。幽澹比君子。可以傲嶺秀。
可以壓湘蕊。露華裏。猩紅。晚日射。玫紫。憶昔
扈從年。賞之歎觀止。掇英將其種。曹貯行篋
裏。江南春繁華。塞北秋麗綺。

題陳書長松圖。畫松不問種松年。鶴在雲中雲

上天。

天藻賜題孫子和。

臣父子皆叨侍從。願從臣子抄寄。因得恭和。

元

遭逢

即此已空前。

甲申仲冬中浣。

臣子

錢汝

誠所寄家報內接到今秋

皇上恭奉

聖母行幸山莊古今體詩一本。

幾暇餘閑。游歌寫意。一月中多至百數十首。臣循誦

恭繹仰見

天趣清怡。無意遇之。自臻神妙。愧衰齡荒落。才思短拙。而數千里外。依戀情深。矢音遙和。得詩二十六首。敬書。

元韻於前。附錄里句。恭呈。

黼座。冀欲仰承。

訓示。以裨補知識。大雅抑十二章云。民之靡盬。誰夙知而莫成。臣雖少不努力。夙知無分。今者亦聿既髦。益恐恐然不敢自棄。幸遇。

文思聖主。誨爾諄諄。莫成或有日矣。曷任感激欣幸。

之至。臣錢陳羣恭

進。鈐印三。遠師臯拜。臣陳羣。儼思。

冊內分鈐

寶璽。避暑山莊。乾隆御覽之寶。

鑒藏寶璽。

五璽全。

寶笈三編。